



五十七

18
214
57



18
214
57

THE CHINESE PROGRESS

時務報

光緒二十四年三月二十一日 第五十七冊

論 福州船政洋監督上船政大臣裕製船條陳 諭旨

奏章 黃中允 思永 奏請特造股票籌借華款摺 戶部奏擬

定給發照信股票詳細章程摺 英文譯編 中國時務各國

交涉並英人不願俄國擔保中國借款情形 論歐洲各國佔

據中國各口岸情形 論英人預籌德佔膠州關繫英美商務

情形 論英國與中國漸 外國時務 俄國軍務類記 中外

有相聯之勢 法人要挾 高俄交涉 雜誌

雜誌 路透電音 大清國圖 東文譯編 歐洲諸國覬覦

中土 英國前外務大臣論籌畫東方政策 俄兵至吉林

英國名士論東方時局 日相伊藤侯爵欲更變選舉國會議

員法 突厥新報論日本陸海軍 日本及加拿大之關繫

日本及英國之貿易商務 歐美及日本郵政情形 西班牙

國公使與某新報主筆書 美西兩國有將決裂之意 奧國

內憂 奧國大學教官查出胎孕新法 高麗大院君薨 附

編 法國賽會總章 會審信隆租船全案

報價表 外埠概不零售

每一冊 洋一角五分

每年三十三冊 洋四元

閏月加三冊 洋四角

外埠每冊另加寄費表

直隸 山東 河南 洋二分

四川 廣西 外國 洋四分

陝西 山西 貴州 洋四分

甘肅 雲南 洋六分

報如屆時不到請即函告本館

告白價表 資例先付 概不減折

兩行起碼 一次五元 三次十三元五角

九次十五元 十八次六十三元

三十六次一百十四元

昭和十九年一月十九日

各地派報處所

兼售本館自印書籍
外埠均請在本館代派處定購

- 京師琉璃廠廠甸總報局 電報局 保定清苑縣署內 西河沿傳公館 天津 時務報分館
- 開口風神廟內西學官書局 錫店街文美齋書坊 濟南電報局 中西大藥房 烟台潮州會館
- 聯電報局 太原水巷惲公館 太谷鳳山書院杜允明 開封蒙學門路北陳公館 懷慶武陟縣石堂
- 杜 西安城隍廟西首聚賢齋石印書坊 務本新報館 味經書院 蘭州電報局 聚賢齋書坊 貴
- 陽長春巷府尹第李宅 咸陽鹽道署內楊 果子園宮保第楊宅 志古堂書坊 重慶渝報館 白象
- 街怡和行 古岡棧恒泰安霍樂三 武昌府前街時務報分館 漢口黃陂街乙海春戒煙藥房 招商
- 局上首江左漢記 宜昌二架牌坊江左漢記分局 沙市七里廟巷江左漢記分局 長沙礦務總局
- 常德南門外乙海春戒煙藥房 南昌靈應橋汪公館內 繫馬莊鄒公館 九江福康輪船公司 安慶
- 藩經廳署內吳章齋 電報局 姚家口江友韻 廬州 蕪湖電報局 壽州文德堂書坊
- 南寧孝順里陳宅 淮安城內高公橋劉公館 更樓東羅公館 清江浦善後局 河北海神廟西巷內
- 程公館 揚州電報局 泰州北門外儲家巷周宅 徐州府經廳 蘇州蕪龍街墨林堂書坊 襄門內
- 丁香巷吳宅 甯波醉尉街內閣第張 常州龍城書院 江陰永恒義 無錫售申報處 鎮江經理轉
- 寄處大開口鹽店巷吳寓 太倉西門內稅務坊蔣宅 杭州九曲巷樓宅 嘉興電報局 硤石萃古齋
- 湖州油車巷邱宅 甯波諸衙街餘岱鹽局 紹興水澄橋墨潤堂書坊 溫州大街時務書局 瑞安
- 卓忠毅公祠內學計館 台州黃巖縣前柯泰豐 蘭溪電報局 福州城內三牧坊楊宅 南臺閩海關
- 科房 泉州府城南門外閩海關科房 建甯電報局 廣州時務書局 知新書局 義一齋書坊 聖
- 教書樓 靖海門外鴻安棧 佛山舊橫柳街百元堂 潮州下水門中街陳再興紙行 城內上東堤廣
- 聚棧 嘉應保安局黃 汕頭雙和市廣福齋 桂林 梧州
- 澳門知新報館 香港上環恒順泰 文武直街文裕堂書坊 海傍鴻安棧 聚珍書樓 新加坡鴻發
- 棧 檳榔嶼嶺南棧 日本東京精神社 神戶大阪均同茂泰

福州船政洋監督上船政大臣裕製船條陳

本館照錄

辱承來示論擬製魚雷船一事謹將管見所及為貴大臣縷陳之
所陳各節可分為兩大段其一論歐洲各國水師現在情形及所謂新式戰船與戰
船之宜於中國者其二乃遵命將中國國家於德國赤倉廠定製之魚雷艇與本監
督擬製之魚雷船互相比較也

第一段

第一款 歐洲各國近今所製兵船行駛速率

來示稱凡魚雷船每點鐘能行二十一海里者其速率固屬非小蓋十年前祇行十
六七海里者有之但近來歐洲製造大有進境自有能行三十二海里之船則行二
十一海里者當瞠乎其後矣各省督撫莫不趨求新法故曾以四萬五千金鎊向德
國定製新式魚雷船其馬力五千匹行駛速率每點鐘可行三十二海里也若福州
船政所製魚雷船馬力祇二千八百匹行駛速率祇二十一海里其價又需一百零
九萬佛郎與四萬五千金鎊相若誠恐各省無肯以此數來此定製也等因據此故
知貴大臣之以為近今歐洲各國祇製三十海里以上之船而僅有德國能製之凡
在三十海里以下者俱舊式也然大誤矣謹將英法俄德自一千八百九十三年起

製船表具錄如左。以驗貴大臣之誤會。並以明本監督非有私意。與袒護法國製造也。

英國鐵艦及鐵甲快船表

船名	下水年期	載重噸數	行駛速率	船名	下水年期	載重噸數	行駛速率
尚滌海王	一八九三	一〇五〇〇	一八五海里	麻節士直克	一八九五	一四九〇〇	一七五海里
鶯逼士	一八九三	一四一五〇	一七五	理尼	一八九六	一二三五〇	一八
伏米里	一八九三	一四一五〇	一七五	漢尼	一八九六	一二三五〇	一八
霞米里	一八九三	一四一五〇	一七五	伊拉士太無	一八九七	一四九〇〇	一七五
理巴祿士	一八九三	一四一五〇	一七五	尼比宅	一八九七	一四九〇〇	一七五
理雪足尙	一八九三	一四一五〇	一七五	塞士	一八九七	一四九〇〇	一七五
華依挨打格	一八九五	一四九〇〇	一七五	斐零士造子			
麻尼非生德	一八九五	一四九〇〇	一七五	無入克無主			
沙烏亞	一八九三	四七五〇	一八二海里	沙那	一八九五	二一九二四	一七五海里
太烏亞	一八九三	六六一〇〇	一七五	僕勿	一八九五	二二五〇〇	一八
沙烏亞	一八九三	一八八〇	一七五	郭盧	一八九六	二二七五〇	一七五
郭黎尼	一八九三	一八八〇	一七五	山盧	一八九六	二二七五〇	一八
北伊	一八九四	四七五〇	一九	恩海第四	一八九六	七〇〇〇	一七
尚西	一八九四	四七五〇	一九	三達	一八九六	四二七〇	二三
加昂	一八九四	二八〇〇	一九				
浦昂	一八九五	五三六〇	一九				

法國鐵艦及鐵甲快船表

船名	下水年期	載重噸數	行駛速率	船名	下水年期	載重噸數	行駛速率
窩丹	一八九三	三五〇〇	一六	格塞特黑克	未	二〇〇〇	一八
窩丹	一八九四	三六〇〇	一六	特黑克	未	二〇〇〇	一八
窩丹	一八九五	三六〇〇	一六	郭尼	擬	二〇〇〇	一八
窩丹	未	三六〇〇	一六	克	擬	二〇〇〇	一八

德國鐵艦及鐵甲快船表

船名	下水年期	載重噸數	行駛速率	船名	下水年期	載重噸數	行駛速率
窩丹	一八九三	三五〇〇	一六	格塞特黑克	未	二〇〇〇	一八
窩丹	一八九四	三六〇〇	一六	特黑克	未	二〇〇〇	一八
窩丹	一八九五	三六〇〇	一六	郭尼	擬	二〇〇〇	一八
窩丹	未	三六〇〇	一六	克	擬	二〇〇〇	一八

俄國鐵艦及鐵甲快船表

船名	下水年期	載重噸數	行駛速率	船名	下水年期	載重噸數	行駛速率
窩丹	一八九三	三五〇〇	一六	格塞特黑克	未	二〇〇〇	一八
窩丹	一八九四	三六〇〇	一六	特黑克	未	二〇〇〇	一八
窩丹	一八九五	三六〇〇	一六	郭尼	擬	二〇〇〇	一八
窩丹	未	三六〇〇	一六	克	擬	二〇〇〇	一八

英國各等快船及小兵船表

船名	下水年期	載重噸數	行駛速率	船名	下水年期	載重噸數	行駛速率
鶯直	一八九三	八一〇〇	一九五海里	下尼夫	一八九五	四二〇〇	一九五
亞司	一八九三	四三六〇	一九七五	丹祿	一八九五	五六〇〇	一九五
根巴里	一八九三	四三六〇	一九七五	立補	一八九五	五六〇〇	一九五
切里北直	一八九三	四三六〇	一九七五	多	一八九六	五六〇〇	一九五

各船數目	下水年期	載重噸數	行駛速率
撲克色 等式捉魚雷艇兵船四十二艘	一八九四	二二〇至三〇〇	二七至二九七海里
塔剛 等式捉魚雷艇兵船二十八艘	一八九五	三〇〇	二〇
亞海 等式捉魚雷艇兵船十九艘	未竣	三〇〇	二〇
亞祿 等式捉魚雷艇兵船十九艘	一八九三至一八九五	一四〇	一一三至一二四
挨格士 等式捉魚雷艇兵船十九艘	未竣	三〇〇	一一三
法國魚雷艇及捉魚雷艇兵船表	未竣	三〇〇	一一三

各船數目	下水年期	載重噸數	行駛速率
行大海魚雷艇十一艘	一八九三至現今	一一五至一三〇	二五至三二海里
頭等魚雷艇五十九艘	一八九三至現今	八〇左右	一一三至一二四
浮沈魚雷艇二艘	一八九三至現今	八〇左右	一一三至一二四
西郭 浮沈魚雷艇	未竣	一五二	一一三
日浮沈魚雷艇者能在水底行駛也此式魚雷艇法國製造師最有極力考究然尚未盡善也	未竣	一五二	一一三
德國魚雷艇及捉魚雷艇兵船表	未竣	一五二	一一三

各船數目	下水年期	載重噸數	行駛速率
分軍魚雷艇二艘	一八九四	二八〇	二六
頭等魚雷艇三十艘	一八九三至現今	一一〇至一五〇	二二至二六
二等魚雷艇五艘	一八九三	九〇	二二
分軍魚雷艇一艘	未竣	三〇〇	二七
分軍魚雷艇一艘	未竣	三五〇	未詳

諭旨恭錄

二十三年十二月初九日奉 上諭張汝梅奏凌汛暴漲利津縣扈家灘堤埝漫溢成口現擬趕籌堵合請將在事各員暫緩參處一摺本年十一月二十四日山東利津縣地方因連日北風湧洩上游之水挾冰以行水勢陡漲致將利津迤下之姜庄民埝冲刷並將姜庄迤上扈家灘大堤漫決成口刷寬十三四丈水由霑化縣之降河入海此次凌汛失事據該撫奏稱實因下游水弱凍結冰集人力難施督辦河營各員著照所請暫緩參處勒限一個月趕緊堵合毋得遲誤欽此○又奉 硃筆吳樹梅補授國子監祭酒欽此○初十日奉 上諭巡視東城御史茹泰等奏遵保拿獲隣境迭次強劫盜犯出力之司坊紳董請旨獎勵一摺著吏部議奏單併發欽此○又奉 上諭巡視西城給事中榮陞等奏遵保拿獲迭次搶劫盜犯出力之司坊紳董請旨獎勵一摺著吏部議奏單併發欽此○十一日奉 上諭順天府奏西城資善堂暖廠收養貧民衆多援案續請加賞米石一摺本年資善堂暖廠貧民就食較多所有前次賞給小米三百石不敷散放著再加恩賞給秬米四百石以資接濟該衙門知道欽此○十二日奉 上諭戶部奏遵議溥倫所交左翼監督盈餘銀兩一摺所交盈餘銀一千四百十三兩零著交廣儲司餘依議欽此○又奉 上諭戶部

奏遵議載瀛所交右翼監督盈餘銀兩一摺所交盈餘銀一千四百三十五兩零著交廣儲司餘依議欽此○十三日太常寺題正月初一日元旦祭 太廟後殿奉旨遣凱泰行禮欽此○又題正月初十日孟春時享 太廟奉 旨朕親詣行禮後殿遣溥靜行禮東廡遣恩慶西廡遣英俊各分獻欽此○又題同日祭 太歲壇奉旨遣隆勳行禮兩廡遣陳邦瑞崇勳各分獻欽此○又題十七日祭 祈穀壇奉旨朕親詣行禮欽此○又奉 上諭步軍統領衙門奏拿獲白晝聚眾搶擄良家幼女人犯請交部嚴訊一摺所有拿獲之伊精阿即伊子黃林即小黃張得祥即張三李鳳明即李黑仔楊三常太即小常海七等七名著交刑部嚴行審訊按律懲辦未獲之馬三一犯仍飭嚴緝務獲送部究辦欽此○又奉 上諭崧蕃等奏總兵懇請開缺據情代奏等語貴州古州鎮總兵丁槐著准其開缺欽此○十四日奉 旨宗人府主事著陳懋鼎補授戶部漢軍堂主事著田芝補授盛京戶部司庫著福滙補授奉天軍糧同知著顧儒基補授甘肅階州直隸州西固州同著裕昌補授廣西太平府萬承土州州同著李正經補授廣西慶遠府河池州州同著周福謙補授廣西南甯府忠州土州州同著李肇鈞補授廣西慶遠府那地土州州判著席之翰補授 景陵禮部郎中著嵩志補授 慕東陵禮部員外郎著蘊昶補授吏部員外郎

著樸壽補授刑部員外郎著溥尙補授欽此○十五日奉 旨湖廣道監察御史著文悌補授山西道監察御史著劉學謙補授分發山西道閩迺竹河南道繼善陝西道史悠贊江西知府鮑國楨廣東直隸州知州沈琬慶貴州知州張桂江蘇通判何立坦新疆通判張景山浙江通判龔親釗福建通判潘履亨四川通判劉于禮廣東通判吳毓燿吳增瑞陶仁壽直隸知縣經文安徽知縣李長郁山東知縣凌漢湖南知縣李弼清四川知縣張鳴和廣西知縣蕭蕭佐延安縣知縣王子銘河南知縣方汝梅陶美中福建知縣陸藻章湖南知縣胡國昌四川知縣葉維藩周家鈞廣東知縣文潤薛銓忠雲南知縣馬柝浙江鹽大使鄒守誠石沅俱照例發往截取給事中高燮曾丁之斌郎中陳宗嬌御史王廷相楊崇伊中書楊澧俱照例用保送直隸州刑部主事謝樹燝著交部記名以直隸州知州用擬補內閣中書許秉衡陳嘉銘吉林伯都訥副都統衙門筆帖式倭喜琿俱准其補授奏留吏部學習筆帖式有年著准其留部京察官 景陵禮部員外郎玉潤 東陵工部員外郎瑞珊 景陵禮部讀祝官俊福贊禮郎達隆俱准其一等加一級病痊前任山東督糧道恩燾著照例用投効官前廣東新會縣知縣潘泰謙前江西龍泉縣知縣任國銓俱准其留營捐復前河南候補直隸州知州夏壽嵩著准其捐復原官仍發原省照例用欽此○又奉

旨巡視中城事務著國秀去欽此○又奉 旨巡視北城事務著忠廉去欽此○又奉 旨巡視東城事務著張兆蘭去欽此○又奉 硃筆王錫蕃補授詹事府少詹事欽此○又奉 上諭貴州古州鎮總兵員缺著黃呈祥補授欽此○十六日奉 旨二等台吉克什克西吉本著加恩挑在乾清門當差欽此○十七日奉 上諭前因京師入冬以來雪澤稀少朕親詣 大高殿拈香並派貝勒載澄等分詣 時應宮等處拈香虔申祈禱現在雖經得有雪澤農田尚未霑足寅盼彌深本月十九日朕仍親詣 大高殿拈香 時應宮著派貝勒載澄 昭顯廟著派貝勒溥偉 宣仁廟著派貝子奕謨 凝和廟著派貝子溥倫同於是日分詣拈香欽此○又奉 旨勒泰溥奎著加恩賞給二等侍衛溥彩載凱溥剛均著加恩賞給三等侍衛俱著在大門上行走欽此○又奉 上諭翰林院侍講學士濟澂奏內務府各司庫等官補缺後例應三年調轉近年以來每有含混留庫弊竇叢生請飭申明定章等語著總管內務府大臣按照定例辦理毋稍含混以杜弊端欽此○又奉 上諭翰林院侍講學士濟澂奏倭爾多斯札薩克貝子察克多爾色賴出缺該旗章京等朦蔽盟長竟以遠族之圖們巴雅爾捏作親姪報部承襲請飭按照定例核辦等語著綏遠城將軍查明具奏欽此○十八日奉 上諭給事中丁之斌奏西甯肅清案內保舉

已革山西平陽府通判張心泰前因任意虐民革職陝西揀選知縣舉人楊懋源並未到營等語著吏部查明具奏欽此○十九日太常寺題正月十七日祭 祈穀壇視看牲隻奉 旨遣載勛視牲埜岫看牲欽此○又題二月初三日祭 文昌帝君廟奉 旨遣凱泰行禮後殿遣陳邦瑞行禮欽此○又題同日祭 先師孔子廟奉 旨遣榮祿行禮 兩廡遣翰林官二員各分獻 崇聖祠遣熙元行禮欽此○又題二月初四日祭 社稷壇奉 旨朕親詣行禮欽此○又題二月初十日祭 先醫廟奉 旨遣溥頊行禮兩廡遣莊守和楊際和各分獻欽此○又題二月十三日祭 文昌帝君廟奉 旨朕親詣行禮後殿陳邦瑞行禮欽此○又題同日祭 惠濟祠 河神廟奉 旨遣啟秀行禮欽此○又題同日祭 昆明湖 龍神祠奉 旨遣崇光行禮欽此○又題二月十五日祭 關聖帝君廟奉 旨朕親詣行禮後殿遣慶福行禮欽此○又奉 硃筆稽察正藍旗蒙古旗務著恩綸去欽此○又奉 硃筆楊福臻著掌河南道事務欽此○又奉 硃筆著國秀文英松齡恩順專司稽察旗務一年欽此○二十三日奉 上諭魏光燾奏特參庸劣不職各員等語陝西試用同知黃殿燮工於牟利前辦芝川釐務收報不實試用州吏目湯執中性情狡詐前委接運桑秧私帶貨物均著一併革職石泉縣知縣陳熊年近衰老辦事竭

蹶商南縣典史朱志彥精力衰頹難期振作均著勒令休致洵陽縣知縣王策範圍於聽斷惟係正途出身文理尚優著以教職歸部銓選餘著照所議辦理該部知道欽此○二十六日奉 上諭從來國運之興必由於人才之盛我朝 列祖 列宗以來無不下詔求賢而諸臣亦必灼見真知始登薦剡所以名臣碩輔代有其人卽至同治年間如曾國藩駱秉章等進舉賢才或採自幕府或選從僚屬其時人才蔚起卒能削平大難宏濟時艱可知封疆大吏誠思以人事君之義悉心採訪實力保薦則一時之才自足供一時之用現值時局孔艱需才尤亟各省督撫朝廷寄以殷肱耳目其各澄心虛已一秉大公於所屬道府州縣中無論現任候補詳加鑒別擇其居心正大才識闕通足以力任艱鉅者列爲上選他若盡心民事通達時務均著出具切實考語並臚列其人之實蹟成效詳悉具陳以備擢用倘瞻徇情面或謬採虛聲保非其人必坐原保官以薦舉不實之罪至經武整軍必須寬籌的餉各省綠營廢弛已久近來防勇亦多沾染習氣難備緩急著各該督撫再行實力裁汰騰出餉項以備添練新軍之用各省製造洋務釐捐鹽務等局總辦以外復有會辦以及司事紳董名目繁多每歲虛糜公費不知凡幾當此庫款支絀該督撫等具有天良豈竟置國事於不顧尙欲爲位置閑員地步耶著卽嚴加核減將節省實數迅速奏

聞毋得膠持成見仍以裁無可裁藉詞搪塞將此通諭知之欽此○又奉 上諭國家設官分職體制相維各部院堂官同辦一事無論重大之件必須互相商確折衷至當卽尋常應辦事件亦必彼此商酌方昭妥協近聞各部院堂官每多性耽安逸意存推諉並不常川入署卽有一二勤慎趨公者亦無從面相參酌以致公事積壓弊竇叢生奉旨交議事件覆奏亦多濡滯似此玩愒因循尙復成何事體嗣後各部院堂官務當常川進署振刷精神將一切應辦之事和衷參酌督飭司員迅速辦理毋得稍有遲延至各部院衙門胥吏弄文舞弊習爲故常承辦司員往往受其挾制尤宜實力整頓從嚴懲辦毋稍姑容將此通諭知之欽此○二十七日奉 上諭張汝梅奏山東河工緊要請調員差委等語開缺河南南陽鎮總兵崔廷桂著劉坤一轉飭該總兵前往山東交張汝梅差遣委用欽此○又奉 上諭胡聘之奏省會要缺道員開單請簡一摺山西冀甯道員缺著丁士彬補授欽此○二十八日奉 上諭董福祥未到任以前甘肅提督著張俊調署張宗本著署理喀什噶爾提督所遺阿克蘇鎮總兵著饒應祺派員署理欽此

二十四年正月初六日奉 上諭給事中高燮曾奏請設武備特科一摺著軍機大臣會同兵部歸入榮祿奏請參酌中外兵制特設武科片內一併議奏欽此○又奉

上諭總理各國事務衙門會同禮部奏遵議貴州學政嚴修請設專科一摺據稱就該學政原奏分別酌擬一爲歲舉一爲特科先行特科次行歲舉特科約以六事一日內政凡考求方輿陝要郡國利病民情風俗者隸之二日外交凡考求各國政事條約公法律例章程者隸之三日理財凡考求稅則礦產農功商務者隸之四日經武凡考求行軍布陣管駕測量者隸之五日格物凡考求中西算學聲光化電者隸之六日考工凡考求名物象數製造工程者隸之由三品以上京官及督撫學政各舉所知無論已仕未仕註明其人何所專長咨送總理衙門會同禮部奏請在保和殿試以策論簡派閱卷大臣嚴定去留詳擬等第覆試後帶領引見聽候擢用此爲經濟特科以後或十年一舉或二十年一舉候旨舉行不爲常例歲舉則每屆鄉試年分由各省學政調取新增算學藝學各書院學堂高等生監錄送鄉試初場試專門題文場試時務題三場仍試四書文中式者名曰經濟科舉人與文闈舉人同場覆試會試中式經濟科貢士者亦一體覆試殿試朝考等語國家造就人才但期有裨實用本可不拘一格該衙門所議特科歲舉兩途洵足以開風氣而廣登進著照所請行其詳細章程仍著該衙門會同禮部妥議具奏現在時事多艱需才孔亟自降旨以後該大臣等如有平素所深知者出具切實考語陸續咨送不得瞻徇情

面徒探虛聲俟咨送人數彙齊至百人以上即可奏請定期舉行特科以資觀感至歲舉既定年限各該督撫學政務將新增算學藝學各書院學堂切實經理隨時督飭院長教習認真訓迪精益求精該生監等亦當思經濟一科與制藝取士並重爭自濯磨力圖上進用副朝廷旁求俊乂至意將此通諭知之欽此○初七日奉上諭依克唐阿奏蒙古王旗借佔地土藉詞狡執礙難辦結一摺博多勒噶台親王旗借地一案事隔多年諸多葛籐必須確切查明方可核辦著理藩院檢查乾隆四十六年原議案據圖說另派幹員前往體察情形會同該盟長按旗切實開導取具各結由依克唐阿派員幫同換照迅速完結以息爭端欽此○初十日奉上諭前因京師入冬以來雪澤稀少朕兩次親詣大高殿拈香並派貝勒載澄等分詣時應宮等處拈香現在節近立春尙未渥沛祥霽農田待澤彌殷實深焦盼允宜再申祈禱本月十二日朕仍親詣大高殿拈香時應宮著派貝勒載濂昭顯廟著派貝勒載澄宣仁廟著派貝勒溥偉凝和廟著派貝子奕謨同於是日分詣拈香欽此○又奉上諭山東兗沂曹濟道著丁士彬調補錫良著調補山西冀甯道欽此○十一日奉上諭吏部奏遵議處分一摺山東巡撫李秉衡於鉅野一案事前未能防範道總理各國事務衙門電查始

行奏報實屬咎有應得李秉衡著降二級調用不准抵銷調任究沂曹濟道錫良
撤任曹州鎮總兵萬本華曹州府知府邵承照均著革職留任泰西各國傳教載
在約章該教士萬里遠來中國官民自應加意體恤乃山東鉅野縣竟有盜殺教
士二人之案殊堪惋惜除兇犯按律懲辦外准令建立教堂三處住房七處以示
朝廷憫念遠人至意嗣後張汝梅飭屬實力保護倘再有不逞之徒滋事肇釁惟
該地方官是問凜之欽此○又奉 上諭前因御史崇蔭奏昭烏達盟長郡王達
木林達爾達克以練兵爲民殺掠漢民苛派勒索縱令蒙弁橫行聚斂並有殺死
佃民轟斃人命控案又捏稱公主園寢被焚請款冒銷賄託理藩院越次請補副
盟長購買洋槍浮開價值勒令各旗攤辦各節當經諭令壽蔭確查茲據查明覆
奏被參各款均係屬實該盟長種種荒謬實出情理之外達木林達爾達克著先
行革去盟長交理藩院看管聽候查辦摺內所稱巴咱爾濟里第充補副盟長有
越次賄託情事並所查各款著派榮祿剛毅確切訊明據實覆奏欽此○又奉
上諭恩澤奏神靈顯應請頒匾額等語黑龍江呼蘭 關帝廟迭著靈應保佑地
方著發去御書匾額一方交該將軍祇領敬謹懸挂以答 神庥欽此○十二日
奉 上諭山西按察使著景星補授欽此○又奉 上諭本日御史王廷相奏條

陳時務一摺臚列七條語多臆度不切事情卽如所奏徐致祥浙江差滿改調安徽
外似優隆實則屏絕等語朝廷用人行政一秉大公權操自上非臣下所能干與該
御史輒以偏見窺測尤屬冒昧王廷相著交部議處欽此○十三日奉 上諭訥欽
奏揀員請補噶布倫一摺三品噶布倫員缺著擬正之商卓特巴頓柱彭錯補授該
衙門知道單併發欽此○又奉 上諭訥欽奏揀員請補戴琿一摺後藏戴琿員缺
著擬正之彭錯崙珠補授該衙門知道單併發欽此○又奉 上諭長蘆鹽運使員
缺著廷雍補授欽此○十四日奉 上諭順天府府丞李培元著仍在上書房行走
欽此○又奉 上諭大學士李鴻章徐桐均著加恩免其帶領引見欽此○又奉
上諭明保著調補奉天奉錦山海道兼按察使銜欽此

黃中允思永奏請特造股票籌借華款摺

爲籌借華款請造自強股票 特諭內外大小臣工激發天良倡舉急務恭摺仰祈

聖鑒事竊維時事孔棘庫藏空虛舍借款無以應急舍外洋不得巨款前已種種

吃虧近聞各國爭欲抵借其言愈甘其患愈伏何中國臣民如此之衆受 恩如此

之深竟無以借華款之策進者若謂息借商款前無成效且有擾民之弊遂不可行

此誠因噎廢食之說也不知在外洋與在通商口岸之華民依傍洋人買票借款者

甚多不能自用。乃以資人。且搢紳之私財。寄頓於外國銀行。或託名洋商營運者。不知凡幾。存中國之銀號票莊者。又無論矣。小民不足責。應請 特旨嚴責中外臣僚。激以忠義奮發之氣。先派官借。以爲民倡。合天下之地力人力財力。類別區分。各出其餘。以應 國家之急。似乎四萬萬之衆。不難借一二萬萬之款。臣聞外洋動輒以萬萬出借。非其素蓄。不過呼應甚靈。每股百兩。且有折扣。甲附股以售與乙。反掌間即可加增。以爲恒產。傳之子孫者。不願歸還。卽輾轉操縱。亦有贏餘。股票勝於銀票。故舉國信從。趨之如鶩。每得中國電報借款議成。卽由銀行造票。登新聞紙出售。雖萬萬兩之多。尅期立盡。中國風氣若開。豈難漸收成效。擬請 勅下戶部。速造股票。先按官之品級。缺之肥瘠。家道之厚薄。酌定借款之多少。查照官冊分派。漸及民間。亦仿西法。每百兩爲一股。每股分期收繳。還以十年或二十年爲度。每年本利共還若干。預定准數。隨股票另給票據。十年則十張。平時准其轉售。臨期准抵交項。蓋分期寬則交款易。交款易則股本方肯多入。歸款亦不爲難。出入皆就近責成。銀行票莊銀號典當。代爲收付。不經胥吏之手。無詐無虞。確有憑信。可售可抵。更易流通。大抵鄉閭通緩急。集腋乞鄰。視爲常事。况在軍國之重。君父之尊。苟有天良。安忍推諉。特不用力者。舉一羽而不足。不同道者。拔一毛而不爲。誠能人人以謀身之智謀。

國智不可勝用矣。人人以爲己之力爲公力。亦不可勝用矣。其實聚之爲多。分於一人。所用其智力者亦無幾。若慮激之不動。倡之不應。督之前不。是真可與共富貴而不可共患難者。當不至此。臣謂先派官借者。亦鑒於因循之習已深。又恐因噎廢食。依然徒託空言耳。抑或能借巨款。給獎叙以資鼓勵。亦是一法。頃奉 上諭開經濟特科。既重專門之學。求應變之才。斷非空談名理。徒習虛文。凡一切講武訓農通商惠工之實事。刻不容緩。需款正多。舍己求人。終不可恃。無論洋款如何。華款總當併力圖之。專責任之。尅期待之。志在必成。臣愚揆度時勢。非急求所以自強者。無以自立。非反求所以自足者。無以自強。足食足兵。爲自強之本。民信又爲兵食之本。我朝深仁厚澤。民志尙孚。於此次借資民力之處。務須格外核實。格外認真。有言必踐。無弊不除。人人曉以休戚相關之理。人人動其忠 君愛國之忱。內有可恃。外自不敢生心。不待兵食既足。卽此民信之先聲。出人意表。已足震而驚之矣。縱借洋款。患必較輕。洵爲今之急務。故借華款股票。謂之自強。再中國集股之舉。慣於失信。人皆望而畏之。卽鐵路銀行開礦諸大端。獲利亦無把握。收效未卜。何時。故信從者少。若因 國計自強派股。 皇上昭示大信。一年見利。既速且準。自非尋常股票可比。安見將來風行之盛。不如外洋。如蒙 聖明采納。臣非空言。請先派籌借若干兩。定

限繳齊。逾期請治臣罪。其力數倍於臣。數十倍於臣者。如恒河沙數。聚沙成塔。祇在人爲。惟懇 皇上宸斷。令出惟行。則頽風可振。眾志成城。轉弱爲強之機。反求卽是矣。愚昧之見。是否有當。謹恭摺具陳。伏乞 皇上聖鑒。謹 奏。

戶部奏擬定給發昭信股票詳細章程摺 初次覆奏摺見五十六冊

爲擬定給發昭信股票詳細章程。請 旨遵行。仰祈 聖鑒事。竊臣部議覆中允黃思永奏籌借華款請造股票一摺。光緒二十四年正月十四日具奏。奉 上諭著依議行等因。欽此。查臣部前奏。僅陳條款大概情形。至一切詳細章程。聲明另行覈議。自奉 諭旨。通飭遵行以後。臣等連日督同司員。熟計始終。兼權利弊。擬定章程十七條。內五條係臣部辦法。十二條係中外通行辦法。繕列清單。恭呈 御覽。一俟命下。卽由臣部知照禮部。迅速鑄造昭信局印。並分別咨行各省。欽遵辦理。再臣部原奏製造股票一百萬張。每股銀一百兩。現在遵 旨詳議章程。統覈辦法。酌製股票。每票一百兩者五十萬張。每票五百兩者六萬張。每票一千兩者二萬張。合銀一萬萬兩。每股仍作銀一百兩。按認股銀數領票。以便什襲。合併聲明。謹繕摺具陳。伏乞 皇上聖鑒。謹 奏。

謹將昭信股票詳細章程開單恭呈 御覽

一由戶部印造昭信股票。編列字號。每票一百兩者。造五十萬張。計股銀五千萬兩。每票五百兩者。造六萬張。計股銀三千萬兩。每票一千兩者。造二萬張。計股銀二千萬兩。共合一萬萬兩。由戶部設立昭信局。遴選司員經理。一股票式樣。前幅擬用四圍龍邊。恭錄奉 旨年月。並開每票銀數。下半分二十小方。書明年分銀數。每年付還一次。裁去一方。後幅刊列簡明章程。每票編列號數。紙心及騎縫。各蓋印一顆。印花用朱色印泥。每票除聯票外。另繕號冊。以備稽查。一擬咨行鑄印局。鑄造銅印一顆。文曰戶部昭信局印。遵用滿漢篆文。以符定制。一選派廉勤司員。經理昭信局。分任責成。局內設給票處。收銀處。各有專司。不致紛雜。先收銀。後給票。收銀處將收過銀數。付至給票處。驗明圖記花押。卽將股票登明冊簿。將股票當面點交本人。稽覈之員。逐日將收銀給票數目。列單呈堂。以備覈對冊簿。登簿收掌。皆司員專責。至鈐印覈算。則由司員督同筆帖式。及人役辦理。該司員等。始終出力。應照異常勞績奏獎。倘有疏忽賄誤。罰亦從之。若人役舞弊營私。卽奏交刑部。按律治罪。一製造股票。刷印章程。及各項經費。應將需用數目。覈實給發。至局中常年辦公人役工食。由臣部飯食項下酌量撥給。

以上五條係戶部辦理章程

一擬在京師及各直省籌集庫平紋銀一萬萬兩。畧仿中西集股成式。印造股票。每票一百兩者五拾萬張。每票五百兩者六萬張。每票一千兩者二萬張。合成庫平紋銀一萬萬兩。如有以各項平色及銀圓交納者。均准折合庫平。就認股數目。給予印票。以昭信守。一此款限二十年還清。周年以五釐行息。遇閏不加增。前十年還息不還本。後十年本息並還。本還則息減。每屆還期。官紳商民人等來取者。隨帶股票呈驗。自第一年起。每付還一次。即剪去一方塊。至第二十年。本息還訖。即將股票繳銷。一戶部既設昭信局。各省藩司亦應設昭信分局。冠以省名。如直隸省。即日昭信直局。各省以此類推。東三省由各該將軍派員設局。以昭一律。在京認股款。交戶部昭信局照章領票。在外認股款。交各該省昭信分局領票。或交股實號商代為領票。款存該號候撥無誤。亦可融通辦理。惟該號商須有各號商連環保結。報部報司有案。始准承辦。至認股之人。或開列官闕姓名。或堂名別號。悉聽其便。股票未發以前。暫給印收。俟股票刷成互換。屆時由部局省局出示曉諭。一歸還本息。在京由戶部昭信局。在外由各省藩司昭信分局。屆期憑票照章付給。裁剪息票一方塊。存局備查。各省年終彙報戶部。以憑綜覈。仍准股實號商代持股票。赴局代領。局中驗明票據。照數付給。仍照章裁剪息票備查。京外各商號。自持票呈驗。至發還本人。不

得稍有遲延。及勒索剋扣情事。一經查出。嚴行懲辦。至該商號承辦收發股票本息。亦宜畧酬其勞。擬令京外匯兌此項票款。概交該商號專辦。以資津貼。一股票每年應得本息。准抵地丁鹽課一節。原為便民起見。第思有股票之人。未必皆有應交地丁鹽課之款。若輾轉相抵。亦恐膠轕不清。自以概由各省局發給現銀為妥。俟各省集有股票若干。報部後。覈明每年應給本息若干。先期由部指撥地丁鹽課等款。如數截留。以備臨時按票發給。總期隨到隨發。不稍遲逾。一京局省局收銀給票。及付還本息。各顧考成。斷無絲毫出入。倘各州縣印委及經手勸集之人。有藉端擾累勒捐。准人告發。或別經訪聞的確。即分別治罪。如地方軍民人等有假造股票。誑騙情事。一經查實。即照偽造印信例。為首者斬。一股票准其輾轉抵押售賣。與產業券憑無異。惟抵押售賣。仍應報局立案。京外官局認票不認人。各宜謹慎收儲。倘有遺失。應將股票某字某號。如何遺失情形。在京徑報戶部昭信局。在外徑報藩司昭信局。如離省稍遠。即報由該州縣轉報各該衙門。立即出示。將此票禁止抵押售賣。每屆付還本息之期。如有持原票來取者。即行扣留根究。如失主隨時將原票尋獲。亦即呈明原報地方官。轉報存案。倘三年無獲。由局給予憑單。將原票作廢。所有應付失票之息本。仍按認股年例給發。一凡京外官員認領股票後。或調任他省。

或一再遷調。或回原籍。准在原領票處呈報。卽於底冊內註明。另給憑單一張。註明股票號數。令其持赴所到之省。將憑單股票一併呈驗。一面將發過憑單。行文知照該省備案。並報部查考。該省將憑單驗明蓋印。連股票一併發還本人。以後應付本息之期。卽在該省支領。若在遷調他省。將原領憑單繳銷。另換憑單。仍前辦法。各省凡有請領憑單之票。另立一冊。逐年登載。每年各省各將收發憑單若干號。年終截清報部。以憑稽覈。其各省商民。有在他省認領股票後。如有他故回籍者。其呈報給單取息辦法。均照此辦理。一各省官紳商民。有一人勸集商民股款至十萬兩以上。及五十萬兩以上者。准各省將軍督撫。分別奏請。由部覈給獎叙。其由公款提湊者。不在此例。一各省收有成數。聽候臣部撥還洋款。不作別用。更不准勒令捐輸。至以何款付息還本。臣部責無旁貸。自應寬爲之備。現籌裁減兵勇。加增當稅。嚴扣減平養廉。鹽餉加價。漕糧減運。丁漕折錢。盈餘各的款。每年新增銀五六百萬兩。歸還利息。尚有盈餘。至十年以後。滙豐克薩洋款已減。復可騰出銀數百萬兩。每年應還本息。斷不至逾期。一除利息數目。及還本年限。永不更改外。如有未盡事宜。應行變通者。隨時奏明辦理。

以上十二條中外通行章程

西文譯編

中國時務

湘鄉曾廣銓譯

歐洲各國交涉並英人不願俄國擔保中國借款情形

中東一役。英人遵守局外之例。而俄德法三國。不忍坐視中國構此奇釁。咸執公法。出爲保護。並挾制日本。不准多索中國賠款等事。在三國用意。頗似公正明白。徒以中國勢力日衰。事事俯允。日人要挾。而各國覬覦之念。遂萌芽於此矣。俄國在北太平洋。每年行船。祇有數月之久。常遇冰凍。甚爲不便。由是盡力經營西伯利亞之鐵路。擬趁期造成。直接太平洋面。以便火車軌道可以相連。揣俄人之意。必欲在中國求得一四季不凍之口岸。便於開通鐵路。東西相應。方爲順手。並欲滿洲高麗。齊爲俄有。而後快然無憾。目前暫聽高麗爲自主之國。將來兵力足以相壓。而所急欲措手者。則尤在滿洲。故以旅順口大連灣爲起點之處。若中國允其租據。將來必圖永遠霸佔。德國藉端啟釁。旋向中國需索屯水師通商務之海岸。名爲租界。定立年限。其實與英人管轄之香港。事同一轍。法人於中國之西南。亦欲索一屯船之埠。而東南各處已開之口岸。現復議加推擴。此時經畧海南各處。並需索廣州灣爲屯煤之所。將來大有併吞西江之意。惟日本頗不信服俄國。以致俄別與德法兩國合同訂

約。挾制日本不許在中國獨沾利益。前此中日開戰。訂立和約。中國賠款甚鉅。曾向各國借貸洋款。甚為費力。而俄國首先倡議。出力幫助。並願將中國欠用之項。擔保代借。此中用意。已可概見。英人知俄款之借。將不利於英也。遂與中國商訂。情願擔保借款。至八百萬鎊之多。所發股票章程。更見妥洽。此事據各報館意見。以為英俄兩國借款。大有區別。英款借成。不獨有益於歐羅巴各國之商務。即英國亦深受其益。而中國無論已。日後英國為中國之債主。中國當以最優之禮相待。英國彼時亦當與中國格外輯睦。有禍福與共之意。是以我等實不欲俄國擔保中國借款。英戶部尚書曾宣言云。英國在中國。祇求商務利益。並不欲有割地之舉。惟英款借與中國所有應得之利權。亦不能廢。或應估據何地。作為遵守條約抵項。譬如以地抵押。則押主自應顧問。並云。俄國取據中國口岸。甚有關繫。如果高麗滿洲。將來統歸俄人管轄。我國亦不能遙制。他若德國及法國。佔取中國地面如香港口岸者。我英必按照和約所載。與他國共分利益。計中國通商口岸。進出口貨物。各國均有交涉。不應有彼厚此薄之殊。倘和約更動。我英唯有執公法以詰問。但望其無此交涉耳。北中國每日報西三月二十三號

論歐洲各國估據中國各口岸情形

前報載有日本擬將威海衛永遠霸佔。以及俄國估據旅順口大連灣兩處情形。查此二事。均係借租界為名。即限定年歲。亦與不限相等。中國此時。視為租地。其實將來亦與割地無異。

中國曾借外國銀行一款。歸還日本。作為清結賠款之用。照和約所載。日本一面收銀。即應將威海衛交還。並撤回日本屯留之兵。蓋威海衛原係賠項未清。暫將此地作為抵押公據。溯自立約數年以來。情形大有變動。德國佔住膠州。今旅順口大連灣兩處。俄人復接踵而至。在日本設想。自應分佔地面。以便與歐洲各國互相比美。然日本意中所存之天欲。須視德俄二國。有何議論。然後可以相機行事。以該二國強弱之勢與前不同。前與法國聯合。曾挾制日本。不能估據遼東嶼。今俄則可以進退自由耳。據聞日本不久移交知會俄國。須退出旅順口地方。要俄國答覆。如或不從。即整軍以隨其後。試問俄國如何肯從日本之言。即日本細察情形。亦自知勢力不及。必不能挾制俄國。目前雖未設法。移文已作罷論。惟須要求中國口岸。以便與他國同沾利益。但威海衛地方。與瑣春對峙。日本估據。恐亦不久必為俄人所侮。無論德國或出而相助。或不相助。總之日人於威海衛。甚不相宜。稍有不合俄人之意。即便興兵。將日人驅逐。法人近雖與俄德二國共相聯約。然前已不允日人割取遼東。則

此次北方交涉之事。必不願過問。不過於南方相宜之地。擇一海岸。可以推擴商務。有益於已斯已耳。初時法國原無佔取口岸之意。並謂德人租住膠澳。為藉端要挾之舉。豈肯尤而效之。乃德為之倡。而日本與俄與英。紛至沓來。均欲於中國地面。擇肥而噬。法人其肯後於他國。而獨抱向隅之憾乎。則其有要挾中國各款。亦勢所必然者也。譬猶飢者見人共食一餅。而曰吾無食焉者。未之有也。

三月九號。謠傳紛紛。謂俄國派出各兵。已抵滿洲境內。其中情形。尚未訪悉。又聞俄國已在旅順口及大連灣兩處地面。升用俄國旗號。經日本行文照會俄國。請其速離二處口岸。未知俄人如何答復耳。香港報西二月十二號

論英人預籌德佔膠州關係英美商務情形

英美兩國。曾備述與中國交涉事宜。必須按照條約所載。無論何國得有中國利益。均應一律需索云云。現在德國租定膠州。年歲久遠。並擬在該處自設條律。中國不得干預。查膠州地處海背。其口岸在中國之東北邊。若加意佈置。此處商務。將來必然興旺。惟膠州設有商埠。不獨天津各商大有妨礙。及烟台各路貨物進出之利權。自必為其所奪。即上海一隅。貿易亦必稍形減色。蓋聚則加增。散則見少。此亦商情必然之勢。不可不慮者也。德德國租界既定。中國允照新立之約。准其築造山東一

帶鐵路。自必由膠州造起。直達迤西之運糧河。再向北境至天津。抵北京。審其地勢。此項路程不甚寫遠。祇須興辦一年之久。便可竣工。一切商務。即可與大沽水口。及北京往來。鐵路所經之地。種植既繁。人民亦眾。烟台商埠。不久即將變為無用之地。因此烟台各商人。慮及將來生意。大有傷損。不無惴惴。查該處土產。出口最多者。有草帽。繡黃絲。及各種絲綢。又有羊毛。駱駝毛。牛皮。毛氈等項。運往天津。若遇冬令。津沽凍口。可由火輪車載運。徑達膠州。再運往各國發售。將來天津口岸。必然傷損。即天津迤南一帶。由天津運往貨物者。將來改由膠州運往。則進出口之貨。必受大虧。而上海各火輪船。運往北方之貨物。更必因之減少。此項運貨之船。以英國為大宗。生意既盛。而住屋棧房各產業。在於烟台天津兩處者。所費極多。該兩處商務。英人居其大半。若膠州商務興旺。英人所得之利益。必為德人所奪。現在德人注意膠澳。尙擬於議定租界之外。再加推擴。而英人受虧之處。則烟台天津兩處情形相同。美國各商。雖不及英商之盛。至其受損則一也。此事於英中二國之約。未審曾否列明。將礦務鐵路各項利益同享。僅就德佔膠州而論。有益於德。必有損於英。英國此時若照和約章程。亟應於中國北方取一相宜之地。方可扼守利權。刻聞英國商人。頗多條陳。獻英國政府。請其暗中調停此事。總以保全烟台天津兩處商務為第一要

義此英人均與該處商務有關涉者。倫敦報西二月十一號

論英國與中國漸有相聯之勢

英國國家允借中國款項一事各處新聞紙中議論不少均謂與兩國甚有利益據西字報云扶持中國債務之艱難英國亦甚有意唯英國政府條陳如借款與中國利息情願輕減只須中國准許五款便可定議一以大連灣為海岸通商之地准英國租住二以湖南之湘潭作為內地通商碼頭准英商往來三緬甸與鎮江相通之路准造鐵路往來四英國輪船准在中國內地河道往來五揚子江一帶地面不准割與他國現在各國聞英國允借中國鉅款利息甚輕極為欽敬惟俄國不願以大連灣讓英國佔據恐日後有損於俄人以故從中阻梗多方設法以撓其成英國駐京使臣告總理衙門云無論款項借與不借所有英國求准之五款中國總須依允至該五款之先後次第尚可商量如大連灣及鎮江鐵路二事此時不能即允可以稍緩再議其餘三事應約期議定先准施行總理衙門一時設法調停頗難致詞查英國所索款內以湘潭通商為最難之事因湘潭民人素性拘執不喜與外國人往來日後必至棘手是以一千八百九十五年直隸總督李鴻章與日本訂立和約不願允諾日人以湘潭通商現在總理衙門仍執此意與英國相駁不願允許而英國

使臣堅持初議不顧他慮惟求中國速允刻經總理衙門再四籌商於無可設法之中力求保全睦誼之道改將岳州調換似較湘潭尚為近便英國覆允總理衙門具奏情由准與駐京英使將後列各款合同訂明第一款准兩年內將岳州口岸通商第二款四個月內中國內地河道准允英國輪船行駛往來第三款中國不得將揚子江一帶地方割與外人其餘兩款從緩再議我等深信此事確實但與近日電報所論甚覺相反查英國借款現在未見明文中國曾向滙豐德華兩銀行借銀一千六百萬磅周年四釐半行息刊發股票分給大眾並非國家提借之專款現在日本賠項業已清結料想不必再有借款然中國國家舉動究非外人所能窺測或者英使臣顧全中國大局思欲成就兩國利益之事故特預籌借款先行商定各項事宜亦未可知此事如見施行不獨英國之幸亦中國天下之大幸也我等深願英使贊成此議舉手立辦實於商務時局兩有裨益我等並深望總理衙門立定主見勿撓他議則事機不致錯過庶免臨時措手不及前者英日聯約外人疑有漠視中國之心又孰知英人之待中國有如此之慷慨周旋者哉。天津北京報西三月五號

法人要挾

法人以歐洲各國均向中國地面佔據海岸而法國自應

利益茲特具文向中

國補索各款。並請中國政府。八日內即須具復。所有條款開列於左。

第一款 不准中國將雲南廣東廣西三省地方割與他國。

第二款 廣州灣地方議定歸法國租住。一切章程比照德國租定膠澳情形一律辦理。

第三款 須准法國修造鐵路。由越南東京老撾地方直達雲南。

第四款 中國各省總理郵政大員一律改用法國人。北中國每日報西三月廿一號

外國時務

俄國軍務類記

俄國國家選派管理兵務人員。在北方四處均照開仗時一律加增薪水云。

俄兵在吉林地方。並駐紮鄰境者。兵數計共添至十萬之多。

俄國國家現將各項戰船。大加修整。又創設新法。可用火油運動機器。以代煤斤。惟行船稍遲。未免不合兵艦之用。

聖彼得堡京城。謠傳俄皇近將東方戰船勢力加重。並具文速請土國准俄國兵船。

由 Bosphorus 及 Ardanelles 兩處水路出黑海地方。並加添戰船數目。查一千八百五十

六年。俄國與土王約明。兵船不得經由此路。現聞俄人欲將該約作為廢紙。天津北報西

三月十
二號

高俄交涉

三月八號俄國政府云。現在高麗舉動。頗似與俄國不利。即兩國意見。亦與前大異。聖彼得堡有函致高麗政府。屬其明白具復。究竟與俄有無意見云。

俄國駐韓使臣。函致高麗政府。謂俄人曾派教習兵官。又派參贊度支之俄員。意欲使高麗常保太平之局。免受他國凌辱云云。其實俄國欲專政權。並非真有實意保護高麗也。所以俄王函問高麗。有無國事。需俄助理。若果無事。可將前次所派兵官。及參贊等人。概行撤回本國。仍可復收自主之權。俄使限定於二十四點鐘內具復。高麗政府。請展期三日。再行定奪。所有英國美國使臣。及德國領事。約會共至王宮。面見韓王。想必即為俄國來函之事。

高麗自主會中。黨人極多。俱恨心向俄國之人。三月十號。有書生數人。聯名繕寫奏章。請韓王立定主見。勿從俄國。國王下諭。嗣後各人不得違例妄瀆。並派巡捕多名。向各處彈壓。以免滋事。昨日韓王會晤大臣。面議如何答復俄使。在朝各大臣。意見相符。均謂俄國既聽我國自主。應將派來之人。概行撤回。可以從此不受挾制。惟外部大臣云。高麗自主之權。非得俄國相助。必不能安然長保。又有士子多人。及地方

紳耆鉅商聚議此事亦具公稟外部大臣閱君因議論不合擬於日內即行退職云
北中國每日報
西三月十七號

中外雜誌

英人允助中國 近聞英國國家已允幫助中國倘中國遇有要事需英助理之處不難應手
北京天津報西
三月十九號

英國借款與中國 英國前議以八百萬鎊英金借與中國此議未成刻聞已集英金二百萬鎊由大眾籌齊此外尚有六百萬鎊歸英國富商領股大約陸續可以交付
北中國每日報西
三月二十六號

俄國索地要聞 中國派往俄國使臣許景澄電致北京云倘中國不願將旅順大連灣交付俄國誓不肯休現在無論中國允否但照從前密約章程俄國理應可以需索
北中國每日報
西三月三十號

俄國借款 二月十六號路透接北京訪事人電云俄國與中國暗立條約內並無阻攔中國向外洋借債造築滿洲鐵路之語並云中國派人至俄國京城係調停鐵路之事並非借款唯俄國駐京使臣誤聽人言以為俄國借款一事即指築造鐵路而言
北中國每日報西
三月二十三號

駐旅順口俄兵 駐俄中國使臣向俄廷催問俄兵退出旅順口之期俄廷請緩

並云俄兵常駐旅順可以常保中國太平之局倫敦電三月六號
北中國每日報西
三月二十九號

旅順島俄兵 旅順來信云近有俄員及俄兵若干由高麗來此據云彼等不久即返漢城亦未明言其故
北中國每日報
西三月三十號

宋軍移營 北京政府行文山海關統領提督宋慶所有駐紮旅順口各軍營現須調紮日內已將大礮及軍械等件運往他處想係旅順口即須交與俄國矣
北中國每日報
西三月二十五號

旅順口軍情 旅順口統領宋慶接奉總理衙門密電令仍駐旅順毋庸調紮所有運往金州各項軍械仍飭運回
北中國每日報
西三月二十號

旅順口民情 烟台官場電云旅順口人民紛紛避往烟台內有兵勇大半均已改裝行乞人模樣
北中國每日報西
三月二十六號

威海衛日兵增添 日本私將威海衛所屯兵隊銳意加增較去年數目已添有一倍之多
天津北京報西
三月十二號

日人在威海衛防務 日人在威海衛晝夜工作整修礮臺又有日船多艘裝載工人及大礮等件運至該處
北中國每日報
西三月三十號

長江設防 揚子江一帶水陸各營均奉諭整飭武備以防不虞。北中國每日報西三月三十號

釐局改歸江海關 上海道署接兩江總督劉坤一札飭將蘇松太道所轄地面各處釐局統交江海關辦理以符新立借款章程。北中國每日報西三月二十五號

釐局改章 兩江總督劉坤一接奉諭旨令其傳諭部下所管茶鹽並各釐金局在於管轄境內者均一律停止交與海關稅務司派人辦理此項稅銀准中歷四月初一日起即西歷五月二十一號今年係閏三月故釐局人員尚可開支一月薪水云。北中國每日報西三月二十六號

開平礦務局示 開平礦務局出示云第五號煤應須屯留專供鐵路之用此外漢口鐵政局以及國家所設各處局廠需用甚繁所有各處來售者概行回絕。天津報西三月十九號

日俄德戰艦圖 德王曾派人將日俄德三國水師情形攷究並將亞細亞東方各戰船繪成一圖分派德國水師提督及水師各兵官照式圖繪共計日本戰船十四號載重七萬七千噸俄國十一號五萬四千噸德國八號三萬八千噸。天津北京報西三月十二號
德俄聯絡 德國來電云德在東亞可以助理俄國各項利益之事。北中國每日報西三月三號

號十

日人助英 上海官場接有電信云日本艦隊現住橫須賀者均奉飭開往渤海一帶據日人云英俄兩國不久即須開仗將來日本必助英國無疑。北中國每日報西三月三十號

英俄兵輪在港開行 三月二十五號香港電云俄國有鐵甲船兩隻昨由香港鼓輪又有英國戰船一隻於今日開輪均往日本長崎云。北中國每日報西三月廿六號

英國艦隊往北方 香港來電云英國海軍艦隊於本月二十七號由香港鼓輪望北方進發。北中國每日報西三月廿七號

英船擱淺 英國頭等鐵艦威多利亞斯於二月十一號裝載兵士開往東亞在蘇彝士新開河口外擱淺現已起動並未受傷有各式戰船商船齊赴該處救其出險查此船係一千八百九十五年造成計有兵士七百五十七人載煤一千八百五十噸在洋面可行十四日不用接濟唯吃水太深船底離蘇彝士河底僅有八寸該河公司若照規例可以不放此船行過云。北中國每日報西三月廿六號

日本預儲軍實 香港報主筆昨從日本回來訪得日本有機器及軍械甚多均已齊備立時可用存在近長崎之一極安地方保護周慎另造兵房可住兵十萬名。北京天津報西三月十九號

俄人待土耳其情形 俄國勒令土耳其將海口各口岸停船地面水勢深淺報明俄國各水師提督知悉。天津北京報西三月十九號
路透電音

中國政府議准允將大連灣租與俄國並准建造鐵路接至該處唯旅順仍歸中國管轄未知俄國肯照此辦理否。法國政務大臣韓歐脫Montaigne與中國駐法使臣議訂

章程約明中國不准將廣東廣西雲南貴州割與他國並請中國添造鐵路由龍州接至雲南而以雷州地方作為屯煤之所查雷州在北海商埠之北。中國借款

已在倫敦及德京柏林兩處刊發股票。海務報載英海部尚書Hon. G. J. Goschen與

云日本現有各式大小戰船八隻又魚雷船八隻在英國各船廠製造另有中國購定戰船兩隻以上西三月二十一號印度部尚書云印度國用計欠五千二百八十萬羅

比匯水定價每羅比一先零三辨士又八分之五英國管理印度部員由英國取支英金一千六百萬鎊另借六百萬鎊再由印度籌備三千萬羅比以充國費西三月二十二號中國借款在德京柏林分出股票領股各人甚為踴躍唯倫敦所借之數尙

未揭曉西三月二十三號法國向中國要求各款刻聞中國尙未行文答復。阿非

利加埃及屬國之蘇丹有地尾士馬兵在邊喇地方與埃及馬隊官兵對敵地尾士

兵士被埃及兵擊退。

中國派往俄國聖彼得堡全權使臣許景澄理論俄索租

地一事仍未妥洽現奉諭旨改派李鴻章張蔭桓與俄國駐京使臣會議此事聞

許景澄在俄國不能與政府接洽未知此次所議能否迅速辦理。以上西三月二十四號

中國向英國新立之借款刻聞倫敦地方已集有八成之數其餘七成均已有人領股。美國兵船失事一節據聞美人在華盛頓之意日漸加緊擬請美國政府兼

轄古巴地方之事。以上西三月二十五號

大英公司China輪船在紅海內近Pearl地方船

身各處均已進水頗難設法出險所有附載各客均平安登岸。美國總統

麥荊來McJinley諭各都員云西班牙交涉一事務各靜候兩國理論不宜輕易開仗傷損人

民。泰晤士北京訪事人來電云中國現已應允俄國各項索款。以上西三月二十六號

美人云前者美國兵艦失事大約被水雷所炸並未指明何人日斯巴尼亞人則謂被炸之故出自艦內。美政府已議定照會日斯巴尼亞政府謂古巴現在饑

饉情形實難再行蹂躪該島戰事應即行停止然美政府仍陸續預備軍火為開戰

之用。以上西三月二十八號日斯巴尼亞政府照會美國政府云日政府在古巴君權斷

不容外人踐越且不能再有讓權之事。泰晤士報已證實俄人佔據旅順島之

事。以上西三月二十九號

大清國圖

比較英國



長江一帶 二百十五兆人口
 國界 英師
 省界 俄水
 已開鐵路 德水
 擬開鐵路 法水
 已開口岸 日本水
 擬開口岸 日本水



大清國

三

大清國

三

歐洲諸國覬覦中土

譯東京日日報 西二月廿三日

英國欲開大連灣為商埠。俄人阻焉。俄德法諸國包藏禍心於中國。英人亦不平之。論者遂謂將有決裂之勢。然諸國已相商議以維持一時之和局。英國撤去大連灣之要求。而俄人亦約謂如得地於中國。則必不壟斷此地。當以為自由貿易之埠。於是乎歐洲諸國之於中國。稍持和平矣。然各國之要請於中國。日甚一日。未知所底。要之諸國得地於中國。以為自由商埠。先得其商利者。厥惟英國。故德俄雖有所要。請於中國。英必坐視以待其成。然英之所喜。即德俄之所忌。故德俄不喜以其所得之地。為自由商埠。想各國所要請於中國之事。必有少變矣。

英國前外務大臣論籌畫東方政策

譯東京日日報 西三月廿四日

英國前外務大臣斤巴列伯爵論籌畫東方政策。且左袒該國大藏總裁所演說云。余所見亦同大藏總裁巴兒華氏所見。余最服巴兒華氏中國論也。見本報五十三冊東文報譯氏云。我英國之與中國關係在通商貿易之利害。本不利其土地。立言洵偉哉。是為我英國至當之政策也。夫我英國跨地球東西。多有屬地。即其人有褐色種有黑種。良足自多。如尚加中國數萬萬之人民。則恐不能全我天職也。我之與中。別有至緊

至密之關係。豈得任其荒廢。而妄增屬土哉。巴兒華氏痛論我英國不宜取屬土於中國。頗為剴切焉。惟我英國為天下開埠口於中國。與天下同得通商之利。則足矣。若天下有一強國。欲自利其國家。而阻礙我英國之利益。則奮我英國之兵力。以責其罪。亦豈難哉。

俄兵至吉林

譯日本新報 西二月廿四日

倫敦泰晤士報論俄兵進吉林事云。吉林府在滿洲東三省之中部。即吉林省之首府也。上年八月。俄國兵官三十員。統兵至其地。自此之後。俄兵之來。日增一日。殆無異於俄之屬部。在此地之中國少年子弟。亦專心學習俄語。抑吉林之為地。踞松花江之上游。其附近之地。富薪材燃料。又多煤。且沿該江及其支流。可通齊齊哈爾三姓等處。故此地實在中國本部。與滿洲之中間。誠為南北之關繫。如東三省鐵路成。則必為繁盛之市會也。

英國名士論東方時局

譯大阪朝日報 西二月廿九日

英國名士亞沙雷俄是氏於斯達旦德報上論東方之時局云。近時或謂歐洲一二強國。蓋暗指德法俄等國也與日本將啟爭端。岌岌之勢。逼於目前。蓋謬矣。夫爭端苟起。則必藉海軍以決勝敗。而海軍以輪船為用。輪船尤以煤為命。試披閱地圖。則見自亞丁

至香港一帶之地。蓄煤之處。多為我英屬。如有一二強國一朝啟爭端於日本。則我英國必宣言於天下。而嚴守局外中立之義。然則交戰之兩國。固不獲購煤於我商埠。蓋煤為禁制交戰之樞紐也。當是之時。日本或能自辦其煤。而敵國則必不能購辦。試觀現在德國戰艦二艘。將到中國膠州。沿途購煤於英屬地。思該艦能到膠州。尚須購煤二次。如使此事在日德交戰之日。則豈能為此賣買哉。故德俄欲貯煤於旅順膠州等。以備戰。自非一朝所能辦成。必須待數月而後可。然則日英現在東方。握霸權於海洋之上。俄德豈能爭衡哉。意者中國未思到此間之消息耳。如能聚集公債。以全償賠款於日本。則日本亦必退兵於威海衛。當是之時。又必有更佔據該處者。蓋非俄德所能知也。為此者必英國乎。英國本從商務起見。不似俄德注意於土地。故英佔威海衛。是中國之利。即日英亦同其利也。日人互同其利害。而於成文條約之外。更有一種和霽之氣。充滿兩國人心之間。則日英之交。比之於往日。魚水不啻也。中國有人。其亦三致意乎。

日相伊藤侯爵欲更變選舉國會議員法

譯東京經濟雜誌 西二月十七日

嘗聞日相伊藤侯爵。久懷更變選舉國會議員法。往日招宴自由黨人等。偶演說其意云。我國體本與地球列國異。撰故初制定憲法時。大用意於此。如選舉國會議員。法亦頗三致意焉。然已制法之後。尚多遺漏。則知選舉法宜更變也。且議員止三百人。尚失之寡。宜改為五百員。此等事情。須經稽查商量而後。諮之於國會也。云云。蓋自由黨人員等。亦久懷選舉法宜變之意。故日相特演此種之說於該黨員耳。

突厥新報論日本陸海軍

譯東京日日報 西二月十四日

東京日日報館在突京。訪事員報突厥報論日本陸海軍曰。日本進文明之軌極速。洵匪夷所思。比年為東洋之一強國。其威勢施及列國外交政策之上。亦可謂壯矣。往年日本勝中國。亦足以證其開化之速。日軍之勝中國。固在得歐洲教練之神髓也。已以歐洲行軍之法。教練其兵。其兵勇武。尚存往時之士族風氣。豈得不捷哉。又曰。日本汲汲添造新艦。按其預期之數。蓋至千九百二年。則當有戰艦六十二艘。水雷艦七十五艘。此等船艦。均係新式之物。其堅可知。且其士官多閱歷海軍之事。無可間然於其技能也。日本蓋欲以其海軍保護其國。以置之於泰山之安耳。

日本及加拿大之關繫

譯東京日日報 西二月十七日

加拿大國家。前簡派商務委員安大兒遜氏到日本。以稽查日本商工務情形。安大兒遜氏具報商務大臣云。日本欲與我國敦睦通商。其情頗殷。該國比年大擴航海

搬運之業。且又大興其商務矣。在千八百八十七年貿易總額。爲九千六百七十一萬一千九百八十二元。而至前年則有二萬萬八千九百五十一萬七千二百三十四元之多。又其人口之增多。比前十年間。實增四百萬人。故現在人口。約四千二百萬人也。其原有之鐵路。長二千二百九十英里。造成而將行車之鐵路。九百八十四英里。又國家准造未興工之鐵路。四百七十六英里。日本將來之商務。當大興盛。我加拿大之與日本。開通商務。必爲一大利源。當於今留意焉。

日本及英國之貿易商務

譯國民新報 西二月廿六日

英國駐廣東領事某君。前奉英國國家之命。至日本稽查商務。具報其國家外務省。其畧云。英國貿易商務之在東洋者。以日本及中國爲第一。而中國與日本商務情形。極不相同。我英國欲開展商務於中國。不可不先開中國人士之智識。以爲風氣之先。然後中國財源可以開。中國人士購物之資。亦可以出也。

夫以日本制度。秩然行法得宜。及其人民專心致志。從事於貿易之道。以視中國。個平遠矣。日本關稅極輕。官吏清廉。不收賄賂。資本殷實之銀行。所在多有。滙銀之法。亦極妥便。鐵路電線。縱橫貫通。舟車之利。極其美善。即搬運貨物。亦莫便焉。要之日本現情。雖或未便於外人。而阻礙商務者。則絕無有。如使中國似日本。則我英國所獲利於中國者。決非寡少也。日本與外國之貿易。於二十八年之間。自八千四百萬元。至六萬萬八千八百萬元。進步之速。不可思議。又英國工業家。多不用意於所製造輸出之貨物。故英國貨物到日本者。或未適日人之意。德人等善用意於此間。故德貨銷路漸廣。然則現駐日本之商人。與英國製造家。當常通消息。以製造其貨物。而輸送之於日本。斯商務乃可倍於目前也。要之日本商務發達。大有可觀。現諸國所輸進於日本之貨物。以未製成物件之原料爲多。而日本所輸出。則多爲已製成之品。由是觀之。日本之工商業。有蒸蒸日上之勢。蓋可以見其一斑矣。

歐美及日本郵政情形

譯國民新報 西二月廿七日

日本郵政官某君。蒞萬國郵政會。兼觀光於歐美二洲。頃回國告人云。日本郵政。本取法於歐美。郵政之事。始通萬國爲一。故我郵政之與萬國。亦無大差別。惟稍有末節之異耳。歐美辦理郵政之人。年齒多高。其郵務局長。鬚眉皓白。從事於此以來。或閱四五十年。故練習其事。亦非偶然。其寄信之數。與辦法之捷。最可嘆賞。日本郵務。亦頗盡美矣。現在東京。願寄信於受信之人者。每日十二次。如此之敏捷。蓋爲萬國未曾有之事也。

西班牙國公使與某新報主筆書

譯日本新報 西二月廿八日

西班牙國公使樓母氏爲美國所拒絕。遂還其國。蓋因氏與馬德里報主筆某書實
誹謗美國總統也。其一節云。頃美總統宣論政綱。然其言實欺古巴叛徒。而誹謗西
班牙國諸報。及前古巴總督威拉將軍也。彼爲此無禮之言。所以阿愚民之意耳。彼
本陋劣之政治家。欲懷敵意於我國。以遂其黨之自尊心。然則彼爲我敵。我爲彼敵。
長懸在我方寸耳。古巴主持獨立人民。偶得此書。乃暴之於世上。西班牙國公使。力
解其非真信。然其筆蹟。彰明較著。且署名亦出於其真筆。無可掩飾。西班牙國國家。
遂召還該使臣云。使臣之一言一行。可不慎重乎哉。

美西兩國有將決裂之意

譯讀賣新報西二月廿九日

西班牙國國家。送文書於美國政府。請召還美國駐古巴總領事。且言欲保護美國
在古巴人民。宜遣商人。不宜派遣戰艦也。美國政府。沮絕西國所請。勢頗爲岌岌。抑
古巴島自起獨立之師以來。美國人民。頗爲聲援。美國國家。亦似窺事機可乘。於是
乎美西之間。始有隔閡之意。今年美國駐紮古巴島總領事李將軍。探知西班牙人
民。將襲擊美國殖民地之信。乃具報本國政府。請曰。當派戰艦於古巴島。以保護我
人民。美國政府。乃遣戰艦八艘。大示其國威。已而一艦失警。船體炸裂。或曰係西班
牙人所爲。於是乎美國人心洶洶。均謂宣戰在即。當此多疑之際。忽有一事生焉。即
西班牙國駐紮美國公使樓母氏。謗誹美國總統之私信。爲一美國人所查出也。於
是美國國家。嚴令西班牙國國家。召還該公使。此等紛紜之事起。兩國遂固執一見。
未知日後情形。果何所底止。此亦留心時務者所當注目也。

奧國內憂

譯大日本月報西二月初五日

奧國外雖有一帝國之觀。而內不堪其紛擾。幸今皇負人民之望。故未見其分裂耳。
近時其政府。將有一大更革。蓋此國本合奧士地利亞。及匈牙利亞。爲一帝國。然奧
本有國會。匈牙利亦有國會。其政府實二國所共有也。今皇兼二國之王位。以君臨
一兩國。猶一首而二體。故奧國政府。易生紛擾。蓋其人種宗教各異。故常多內憂也。近
時准莫哈美亞之學堂。及法院。得用莫哈美亞語。而在奧國內之德人等。遂紛然不
靖。蓋本出於人種異同之見也。該國情形如此。而又有更訂奧匈聯合條約之議。該
國之多事。殆不可言。微今皇之負民望。則其國家將不可支矣。

奧國大學教官查出胎孕新法

譯國民新報西二月廿五日

奧國維也納大學教官仁克氏。究心於生學者有年於茲。遂查出生子或男或女一
任其人所欲之法。窩德報在維也納之訪事。親訪仁克氏問其法。氏對云。余所查出
之說。當諮議於維也納學士會院。而後公傳此法於天下。未爲遲也。茲姑告汝以所

查出之末節耳。未能告其所以然之理。然余所查出本根學術之奧義。唯此一事為不可遺也。初余查此理。在前數年。余欲試驗之於實事。頗試行此法於親族知己之間。奏效者已十有四次。余既試驗此法於人。且又試行此法於諸種之動物。而知其不謬也。余查出此理。本非為得資財起見。余本學人也。唯欲此道理不磨。為天下學人所知。則余願足矣。故余屢試行之於諸人。未常一索報資。若天下有識之學人。果信余所查出之道理為不磨。則於余勝得黃金千萬也。蓋此理根於血球之多寡。男兒與女子血球之數本不同。男子則血液一立方英里米突中。含有血球五百萬。女子則含有四百萬耳。血球之有差。此男女所以形性異也。故余欲於兒在母胎之時。預增減其血球之數。以成男成女。稽考其理。知血球多少。實由母所食之滋養而分。而或成女或成男也。現奧國有一貴族。曰布列的立克侯爵。擁資五十萬元。自娶妻以來。十有九年。舉女八人。而未有男。常以為念。屢請各醫診治。了無效驗。聞余查出生男法。來問余以此事。乃試行余所查之理法。至上年六月。遂舉一男子。此信聞於遠近。四方來請教者填門。遂震動歐美諸學會。頗為談藝之題目焉。仁克氏之言如此。蓋生子之理。在生學家分為二說。其一云。母胎中有蛋細胞者。或成男性。或成女性。早定於受孕之際。故不可強之成男或成女也。其二云。所云蛋細胞者。本渾然未

成性也。及其漸發育。乃成男成女。而男女二性始分。仁克氏說。蓋本於第二說也。

高麗大院君薨 附其逸事

譯大阪朝日報 西二月廿四日

高麗大院君李昰應氏。以是月廿二日以疾薨。君為朝鮮國今皇之生父。一生事業頗多奇特。常思撓亂其國之政治。年已老。猶有骯髒不平之氣。屢用凶狠手段。行殘虐之事。蓋亦一種之奇傑矣。按前三十八年。即日本安政四年。朝鮮國王哲宗崩殂。大臣迎李熙繼其位。即大院君之子也。時年十二。大院君攝政。事無小大。一決於君。君性剛毅峻酷。不少寬假。常疾惡西教外人。及提唱維新宗旨之人。故屢下令禁西教。嘗聞中國殲殺教民之訛言。大喜云。得吾意矣。急發令。殺外國教士十餘人。及朝鮮信西教者數百人。以快其心。蓋其暴橫肆虐如此。其人之一生。可以概見。此時外國教士被殺者。法人居多。又有英美教士被害。尚在此後。君屢虐殺外教士及信教者。不止一再次也。且其殺教士也。每極慘烈。使歐美人憤怒。於是法國水師提督銜該國公使之命。欲問罪於朝鮮國家。率戰艦。且測量地勢險要。艦隊進逼江華島。朝鮮兵開放槍砲。法艦一戰拔其壘。以示佔守之意。更發兵進漢城。後遂撤兵而去。大院君得意之色。溢於眉宇之間。遂大欲殲滅西教。凡信此教者。不論男女老幼。並殺之。貴族數人。亦因信教故被殺。又斬一信西教者於前法艦下旋之處。倒植尸於岸上。

榜云。彝船來犯。非有他心。卽爲救護汝等信西教者也。使彝船濁我漢水。未始非汝等信西教之罪也。其迷愚可笑。大率類此。

君攝政九年。歸政於國王。而閑居於別墅。於是政權移於外戚閔氏之手。大院君憂憤不能平。欲乘機以快其心。我明治十五年七月。兵部大臣閔謙鎬者。將公財賈私恩。且私奪兵卒之薪水。數月。士卒大怒。羣毀其家。詣大院君。哀訴衷情。乞命云。請盡殺諸閔。蓋閔謙鎬者。係閔后之族也。大院君大喜。蹶而起。以鎮撫亂兵爲名。陰指揮此輩。欲以盡殺諸閔。并襲擊我公署。大肆鎖國攘外之志。於是乎有濟物浦之條約。此時中國簡派馬建忠。率戰艦數隻赴朝鮮。誘大院君。致之於戰艦。遂護送諸北京。且譴責其所爲。安置君於保定府。久之。被釋。得歸其國。自後每有小變。君常乘輿出入宮中。以爲國政更新之事。蓋君之在朝鮮。猶可以存一脈生氣於其國。然今已亡矣。此公之與該國。其相爲始終乎。雖然。此公極頑固守舊。洵非識時務之俊也。唯其志氣橫絕一世。亦足稱豪君。性癖如此。然亦有文雅高潔之處。常好畫蘭。筆蹟出於塵俗之上。獲者以爲珍寶。享年七十有九。

續五十六冊

觀會考察之費。

第十六條 各府總館。建在府中首區。總館外尚有分館。建在各縣首區。

第十七條 總館與分館內。各立主議班一。總館監視之職。歸知府兼攝。分館監視之職。歸知縣兼攝。至分館之建在府內首區者。其監視之職。亦歸該府知府兼攝。知府公出。總文案兼攝。

第十八條 總館內屬員。凡有信件要事。不得徑達總辦。與會務總監領處。須由館內監視之官代遞。

第四章准收藝成物與地生物

藝成物

第十九條 同世會中所審器物。惟收法國與他國工匠。自一千八百八十九年五月初一日後作成者。前此作成者不收。

第二十條 會中逆拒不收之物件。開列於下。一凡照錄之副本。卽錄下後自成一件。與原本不同者。亦不准納。二畫像樣稿。或雕刻像片之未經裝龕者。三凡用機器雕成之器物。四泥瓦料未經燒冶者。

第二十一條 凡以物件入會。所有請納之票。各不相同。按物之等類。并按總辦預

定之程式。照樣刊立。票上註明物件之名目。物胚之大小。并言明曾列入某某等會。比賽數次。票據印出後。在總辦署與分發處所。分送工藝人。其願領與否。與領之多少。寡悉照工藝人之意。不加勉強。至所謂分發處所。將來再行訂定。給發此票。奉送無費。各工藝人呈送入會之物。不得過十件。逾數不收。

第二十二條 法與法屬地工藝匠人。自一千八百九十九年五月十六日起。至三十一日止。應將請納票。呈交總辦。

第二十三條 此票自一千八百九十九年六月初一日起。至三十日止。交鑒察班學士察看。該班鑒察學士。分投四館。其職亦分四項。第一館專驗第七種物件。如繪畫圖底稿樣等。第二館專驗第八種物件。如雕刻石印等。第三館專驗第九種物件。如五金牌與細石上鏤刻陰陽花文。第四館專驗第十種物件。如建造房屋與水木工作。各分館人員。共有四等。一自藝學院選出者。先由會中工藝監領官舉薦。并由總辦行咨。然後國學藝學部尚書。會同商務製造郵政電報部尚書鑒定錄取。二在藝學院外選取之士。其陞用之法與前同。三係法工藝會所選之士。四由國藝會所選之士。再自各分館屬員中。選陞監臨一。副監臨一。詳覆官一。文案一。各分館內眾監領眾副監領眾詳覆官與眾文案等。屆定時聚會於總館。以議定各分館上呈待

定之事件。總館內以國學藝學部尚書為監臨。以藝學監領為副監臨。更有藝學部尚書所陞文案數人。列入總館辦事。

第二十四條 凡有不必察驗。徑可入會之件。鑒察班學士。即立清單一紙。聲明其事。并在一千八百九十九年七月初一日。由藝學監領代遞總辦。凡有等器物。未經如前准收入會者。則俟運費繳清後。自一千九百年正月初五日起。至二十日止。限以十五日。存放香才利財宮內。以便鑒察班學士驗看。更有等器物。即一千八百九十九年六月初一日之前。註冊之工匠。匠漆送入會者。亦然。亦應存放香才利財宮。且此項器物。即係一千九百年正月三十一日。應請納入會。並將請納票存交總辦署內者。俟末二項器物驗看後。鑒察班亦立准納單一紙。并至遲在一千九百年正月三十一日。由藝學監領遞送總辦署。

第二十五條 凡外來入會之器物。由總辦定其取舍。事前該國使臣。先行照會請納。藝學監領同為申詳。然後總辦核定。准納與否。至一千八百九十九年十二月三十一日後。凡有申詳。皆為截止。不再准納。

第二十六條 凡他國附來之工藝匠人。其籍貫未經使臣聲明者。須在一千八百九十九年十二月初一日之前。將願入會之呈詞。存交總辦署。并將帶來器物。付清

運費後自十二月初五日起至二十日止限以十五日之間存放香才利財宮內再由國學藝學部尚書及商務製造郵政電報部尚書另立鑒察學士班一其中人員半為法人半為他國人驗看外來入會之器物驗看後所有回覆之詞至遲在一千八百九十九年十二月三十一日由藝學監領代呈總辦

第二十七條 凡工藝匠其工程驗訖准納者自藝學監領處收領准納執照執照收到後共在一千九百年二月十五日呈遞物狀一紙填明作者姓字里居與生日該工人東主之姓氏聲明前在巴黎賽會內曾得何賞該工人携來入會之件究係何物與物之佔地大小現歸何人所有概為開載明白此單式樣悉照在事人所定照樣繕立

第二十八條 備辦百年大會中如應另立分局委辦各事則由國學藝學部尚書會同商務製造郵政電報部尚書酌議設立惟事前須藝學監領申詳兩部並會中總辦先為行咨方可措辦分局內即以藝學監領為監督又在局員內選陞副監督一人詳覆官一人文案一二人或三四人總辦埃入會物件取齊後即照以上所列官員呈報之數彙總立單存案并即給發准收票據由藝學監領給領收執
器製物與地生物及藝成物以外之各種物件

否因辦理不善裝煤不足 答是 問麥客立斯透何時可回滬 答約明日
伊在麥邊行之舒安耳船上 問船上用煤如何 答江甯來回一次須燒煤
八十噸每日約八噸甚至十噸 問煤好否 答第一次所用內有磚瓦煤未
居多到安慶復購煤備開赴九江之用煤既辦到買辦不肯付價以上船時已
填銀二千兩到九江後又購七元此煤購得好煤 問此係第一次開
赴上海所需之煤我出借借洋七十元 問管輪常怪煤不好否 答怪
價煤行不肯裝船 願費過折 問管輪常怪煤不好否 答怪
華人出門每帶行李甚多故不便而別公司之船均可由岸跨到船中 問漢
口碼頭如何 答在棧房對岸停船然傍岸亦只有一岸且此處別船不到
問爾想因無碼頭有礙生意否 答每有幾時江水流急上貨甚難因無碼頭
須雇用駁船用小輪拖帶客人誰肯付此 蔡道台曰信隆各口又煤一百噸
答有 問江甯載重若干 答冊上註六百噸可載貨九百噸 又煤一百噸
與水十一尺 問每日是否燒煤八噸 答漢口來回燒八十噸 問船上貨
客曾裝足否 答客數日記簿中載明 問若若干 答自二百至三百 鮮有比
此再裝貨最多若干 問能裝客若干 答一千人 問然則虧本甚鉅 答是 問每
次裝貨最多若干 答自漢口開滬有一次裝茶磚得水脚銀七百五十兩然
此款由漢口經理人收清 問然則裝茶磚之水脚經理人扣算因信隆先欠
伊錢 答是 問此是江甯末一次開行 答是 問爾在船上該船數開銷
否 答剛敷開消 問信隆所有之船是否以該船為最好 答該船比駕斯
各船裝貨較多如有碼頭本可獲利 担律師問梅斯畢 威律師盤問日爾
是否並非管輪 答非然我少時曾在機器廠中數年 問如爾為搭客爾情
願乘傍碼頭之船 答如我多帶行李情願不用船板渡江徑自岸上船 問
爾亦知渡江船板費係信隆所付否 答各口船板費非信隆所付 問各口
亦係信隆所付爾知之否 答不知 問既不知何不早說 答我知客人有
出錢自付船板者甚多 問爾何以說煤不敷用 答因在飛芝勞轉灣處因
煤少致費半點鐘功夫 問爾亦知爾所說有磚瓦煤未之煤是否即係從徐
委員處購來之煤 答是 問然則爾何以不說 答我只知煤不敷用 問

爾既說來回需煤八十噸則船上之煤豈不裝足。答：如果裝足何必另買。問：錄供時爾不聞徐委員說中國以此為湖北好煤。答：我與之同船伊說爾知不說我在公堂所聞者。問：爾提買辦之款何意。答：我與之同船伊說爾知不說我五萬兩何以信隆尚要我填付四千兩。問：該二千兩爾知是否係徐委員所收。答：我不知。問：機器遭損爾曾記入日記簿中否。答：記入。問：日記中載因機器有損停船此次究停若干時。答：十五分鐘。問：一次路中停四次。問：下鋪否。答：無。問：兵船來至輪船梯脚。問：爾述到我寫字房之情形試問爾亦曾到担律師寫字房否。答：曾。問：實勒上船當日是否即派比得聖管船。答：芝基收執機器房單。答：是。問：實勒上船當日是否即派比得聖管船。答：我不知。問：船上之人既因要錢情願開赴製造局何以實勒上船時比得聖等又皆幫實勒說話。答：比得聖等想實勒有勢故皆隨聲附和之。問：信隆雖未將爾薪工全付然爾曾否到爾欠錢各處約定不來爾處催索。答：否。問：爾說邊列士稱華人已在我掌握之中又說邊列士稱想來所入之銀當數開銷此二說不相矛盾乎。答：二說非同日而言。問：爾上船是否六月二十四號。答：徐委員不在船上。次日始來。問：何日領得船牌。答：七月三號領得。問：船開船。問：爾上船時船上已裝好否。答：已漆好惟尚缺零星物件由武甯船上取齊數條。問：六月二十四號機器是否尚未裝好。答：正在搭擦。問：至此中西官退堂。計八月十八號九點半鐘復審。以施爾有事改九時。問：信隆租船案於七月二十二日復由中西官開堂集訊。威律師曰：歐子勃現已到堂我案情甚直願請伊傳案。担律師曰：我尚有數言問梅斯船主曰：聞信隆擬將江甯船之煤搬至新福建使開出中國境外交有其事否。答：江甯船被扣時船上之煤裝沙船繞不常走之道。開到相距上海六十英里之樹北燈塔停船搬裝。問：此說是否未及照辦。答：否。因新福建在鎮江被扣太速未及舉行。問：實勒運煤其意是否欲將新福建開出中國境外。問：執照在此一重間梅斯畢。威律師傳歐子勃問曰：爾為管輸出中國境否。問：執照在此一係香港頭等執照尚有二管輪執照二一係在日本一係在德國考取。問：當管輪若干年。答：廿四年。問：爾在德兵船上當過差使否。答：當過六年。問：在商船當過幾年。答：二十年。問：爾想爾能勝任否。答：如不能勝任何

以有此執照。問：執照中是否亦言爾才長品端。答：是。問：爾何時進信隆行。答：四月間。問：派在何船。答：武甯。問：日記簿從何日起。答：六月十五號。問：其時船能開行否。答：否。問：日記中記擦鍋爐何以用二十五人之多。答：因鍋爐甚齷齪。問：齷齪是否甚多。答：有兩船之多計重十五噸至二十噸。問：汽向能接船上器具不全云云。答：確。問：又載鍋漏殊甚。答：是。問：言機器壞處。辦鐵爐等件云云。答：確。問：又載鍋漏殊甚。答：是。問：言機器壞處。所載甚多均確否。答：均確。問：機器不好爾曾向信隆說否。答：我進機器房查察後當即報知信隆並告知遲早必至遭損不能開行。問：其機器爾未查察之前曾經驗否。答：曾。問：驗過必無恙。問：爾曾見桑納與之說武甯機器知信隆該行稱已經驗船師驗過必無恙。問：爾曾見桑納與之說武甯機器否。答：我第一號。問：我向桑納說伊保大鍋可蒸汽一百四十五磅。其抽汽盤所出之壓力何以抵不住鋼之壓力。問：機器情形。爾向桑納說否。答：伊將抽汽盤各件送去修理修後即得汽一百二十磅。問：桑納來驗鍋爐否。答：伊僅來看鍋爐否。問：不查視機器。問：此是否係爾請修之單。答：是。問：單開時船尚未開行。問：所開應修之處。皆關係匪輕。曾照修否。答：未照修。致開行不靈。器情形實不能行海。問：然則被告所說不實。答：不實。問：船上雖有管輪三人。是否均屬如此。無用。致請中國管輪上船。帶同整理方能開船。答：有一華人在船。以其熟悉鍋爐情形。伊上船時。我在機器房。將進人孔門填塞後。伊到房內。試問鍋爐情形。所問皆易知之事。而伊均不能答。我當即函復龔朗甫。告以船上諸事。我已辦妥。明晨即可開行。不必此人費心。問：有人供說。問：是否因機焉能指教洋管輪。問：爾上水時。機器是否曾出毛病。答：是。問：是否因機器抑因進人孔門之故。答：進人孔門。毫無毛病。問：有人供說。問：是否因機無包皮不能收藏熱氣及用火夫。煙死。確否。問：此包皮是否即郭委員所刪而未

修者與銷煤多少及熱度高低大有關係。答並與駛船亦有關係。問第一
次開船爾是否即有修船之請。答邊列士同船到吳淞將下船時我即請仍
開回上海再修數日。所請未准。到鎮江我屬爾來船主寫信來滬請修船
七。天嗣仍接復不准。所請未准。到鎮江我屬爾來船主寫信來滬請修船
鑪房內熱度太大。火夫到漢。皆罷工。嗣由漢口經理人覓到火夫二人及小工
數人。生火回滬。問福勒斯供在琅山時爾不在機器房內。伊與二管輪下
管火確否。答上海到漢口復由下水回滬。我只睡四點鐘。且我在船上充當
號。爾報稱武甯在吳淞口外遭損。答是。問爾曾否說機器鑪鑪需修三禮
拜方能修好。如不修好。難免再損。答是。問測汽表所測之汽只顯一
已用八磅而桑納說可有一百四十五磅。答一百四十五磅。已屬不少。因鑪
早用。早遭損矣。問如起初一用。即損。問是。問該船不早遭損乎。答如
經修理。須要小心。問武甯既損。爾請修之。處是否需價八千五百兩。答未
到信。隆行請示。祥生廠曾派人來船估修。問福勒斯何以說此。可不必修。
答福勒斯如熟悉機器。何以不充管輪。比充大副。可得薪水較多。問爾所
單中煤艙內所需之拉門。亦在內否。答不在內。此門我雖與福勒斯說過。然
並未開入。單內。問爾曾與信隆申通。向華人索詐否。答否。問爾曾與
爾意。是否遭損。係屬小事。歐子勃稱我信隆說。如僅修鑪鑪。所需不過五
百兩。即處處修到。所需亦不甚鉅。威律師問。畢。担律師盤問。歐子勃曰。爾
所說。離處。是否合於機器房內。並非在鑪鑪內。答不在鑪鑪內。問爾說。抽桿
機。關。地位。不合。然。船上有無此物。答有。問。所修之處。有備用之桿否。答有。然。無
灌。白。金。一。節。其。意。是。否。即。軸。在。生。鐵。上。轉。動。答。右。鑪。之。門。未。配。合。式。常。出。毛。病。問。此
病。爾。第。一。次。驗。機。器。時。即。查。出。否。答。查。出。問。進。入。孔。門。外。尚。查。得。別。處。毛
病。否。答。風。箱。壞。鑪。墊。及。鑪。基。均。破。又。阻。熱。氣。之。包。皮。已。去。其。半。此。等。毛。病。一
看。即。查。出。問。此。後。尚。查。出。別。種。毛。病。否。答。別。種。毛。病。已。開。在。單。內。問。開
單。在。何。時。答。在。船。第。一。次。遭。損。之。後。問。爾。第。一。次。查。出。毛。病。在。何。日。問。答。

助款諸君姓氏 保滋堂助銀一百元

勘誤記 本報第五十三期上海西商總會章內第十一條惟須在總會議事
房一句議事二字應改為司書二字合行更正

又 本報第五十六期西文譯編第十九頁陽面第三行利尾喇洋文誤刊應改作
Riviera 第五行果與洋文誤應作 C. J. Goschen 第十五行利尾喇洋文誤應改作
Riviera

本館告白 敬啟者各代派處去年之報銷清冊敢 懇早日繕就寄下 敝館收齊
後即可彙成一表附諸報末俾關心報務諸君子得知一切情形是為至盼

京城新設總報館啟 啟者近承京中友人於琉璃廠廠甸內設立總報館所有 敝處
天津新設時務報分館啟 啟者本館今因山東山西河南各處之報去歲託人轉
報之事外仍兼售本報津地諸君如有 寄不甚妥速故今年特自行在津設立分館除經理寄
欲閱本報者即請至該分館定購可也

本館自印書報價目 丙申年舊報 七冊 合訂三冊 一元五角 編印
計錄 二冊 合訂四冊 三元 丙申年舊報 零售 每冊一角八分 光緒會
一冊 一角 隨報游記 一冊 一角五分 俄屬游記 二冊
三冊 代數通藝錄 四冊 一元 氣學叢談 二冊 二角

時務日報館告白 本館準於閏三月上旬出報每張售價 本地錢十文
外埠錢十二文 概不另加寄費 告白

價目

第一日每字取洋銀五釐 第二日至第七日每日每字取洋銀三釐
第八日起按日每字取洋銀二釐半 聚會告白每行取洋銀一元 代

譯外國文字及

結算字數

分類告白先以三十字之處為率多則以十字遞
加每行十字 直行告白先以三百字之處為率

多則以十字遞加不拘格式 封面直行告白照直行例加一倍 刊資請先惠
如有函商事件請致上海英大馬路集賢里時務日報館可也 經理總告白處
王惕齋謹白 分收告白處在 後馬路楊泰記對面坤大參店 如蒙惠函信資概請自給

時務日報館續延訪事

北京奉天營口天津保定煙台武昌安慶南京蘇州松江
甯紹嘉湖香港等處尚須添請訪友如有留意時務願充
斯選者祈即采寄新聞數則以定去取并乞開明姓氏住址是為至盼信資概請
自給 時務日報館謹白

英瑞樂機器公司

啟者本公司向設英京倫敦數十年久已馳名寰宇現因中國廣
興商務特設分行於上海四川路第四號門牌專辦各式鍋爐引
擎及煤氣車煤油車大小輪軸皮帶與車上所用各種器物凡製造五金木質石質
所用之品出售又專辦紡織機器造紙造磚造糖春米磨麥製油造冰造荷蘭水
書等各種機器又查礦機器礦內抽水起物機器鐵繩拉吊坐人裝貨各車之機器
又專辦水力汽力電力起重之機器與造鐵路所用各種機器及火車船馬各
工程物料如有貴官紳商欲知詳細者請賜顧或函問本行均照外洋實價辦理以
廣招徠此佈

天津國聞報館謹啟

本報除紀京城直隸新聞外又詳載西北諸省暨東三省青
海前後藏時事以補申地諸報之不及並譯登西報之論說
中外情形者茲為推廣銷路起見特設分館於上海時務報館內上海 諸君如
欲閱本報者請 囑售報人向取此外若大江南北及閩浙兩廣諸省有願為本
報代派者亦祈 函致上海本分館為荷每張錢十文另加寄費二文惟上海不
加

本館附白

啟者上海萃報及實學報二館現已移設湖北省城不久即當出報各
處如有信致彼館者即徑寄武昌可也又湘學報一項因湘中尚未派
人前來編處又因事冗無暇代為經理故各派報處暫不轉寄其有已經付資定
者仍當按期寄上謹白

